

20. december 2016

Inatsisartut suleriaasianni § 37 naapertorlugu matumuuna imaattunik apeqquteqaatinik Naalak-kersuisunut saqqummiussivunga:

Apeqqutit:

1. Ukioq 2017-miit qilaluartassat agguarneqarneranni suna tunngaviua pisassat Tasiilami nunaqarfiinilu 18-niinnaaqittut?
2. Sooq pisassat ilaqqinneqaqqinngillat?
3. Pisassat nungunneqarpata qinnuteqartoqaqqinnikkut pisassanik tunisisoqaqqissinnaava?
4. Aasaq Augustimi qilalukkanik kisitsisoqarnikuuvoq, kisitsinerit inernerit qaqugu saqqummiunneqassappat?

(Inatsisartuni ilaasortaq Laura Táunâjik, Siumut)

Tunngavilersuut:

Piffissami aalajangersimasuinnarmi piniagassat angisuut soorlu qilalukkat imaluunniit nannut pisarineqartarput. Ukioq kaavallallugu piniarneq ingerlasangilaq. Ukiup qanoq ilinera aallaavigalugu piniagassat takkuttarput. Qilalukkat piffimmut ungasissumut piniarneqartarput. Piniartuinnarmut immikkut akissaatitigut isertitaqanngitsumut imaluunniit aapparisamit aningaasatigut isertitaqanngitsumut orsussamik naammattumik akissaqartoqanngilaq.

Angallatillu angisuut kisiisa periarfissaqartarput piniagassanut angisuunut (qilalukkanut nannunut) piniarnissaminnut. Umiatsiaararsortut amerlanertigut pisassanik nunguussaajuannarput. Tasiilami nunaqarfiinilu innuttaqqortussuseq eqqarsaatigalugu piniagassanik taamak ikitsigisunik tunineqartarnerat naammagisimaarnanngilluinnarpoq.

Inuussutissarsiornikkut isertitassat annikereertigisut piniagassat ilanngullugit killilersuinerujussuaq akuersaaruminaalluinnarpoq. Piniartut kulturikkut ileqquat pingaartitaallu oqaluttuaannanngoriartorsimapput, tamanna nunatta inuut tulluannngilluinnarpoq. Kinaassuserput tassaavoq imartatta uumasui ukiorpassuarni inuussutissarsiutigalugit aallussuarneq. Taamaattumik ukiuni kingullerni piniartut isumalluarternerat pakatsinermik taarsigaajuannalersimanagerat aliasuutissaavoq. Naalakkersuisut sunarpiaq pingaarnertikkaat ilaatigut takujuminaappoq. Oqaatsitigut pingaartitsineq kisiat naammangilaq, ileqqut (piniarneq inooriaaserlu) eriagineqartariaqarput. Allanut naleqqussartuarpugut, akerlianilli uatsinnut naleqqussarnissaq maanna tullernguuttariaqarpoq.

Kissaatigaara apeqqutima ullut suliffiusut iluanni akineqarnissaat.



SIUMUT
INATSISARTUT